

JAVNO PREDUZEĆE ELEKTROPRIVREDA BOSNE I HERCEGOVINE d.d.-SARAJEVO TERMOELEKTRANA „TUZLA“		
Primijeno dana:	09-06-2022	
Org. jedinica:	Broj	Prilog
	02-4-63-1169-1	2022

javno preduzeće

ELEKTROPRIVREDA BOSNE I HERCEGOVINE

d.d. - Sarajevo

063 mw

Sarajevo, 08-06-2022

02-15624-2/22

Na osnovu člana 69. stav (2) tačka d) i člana 70. Zakona o javnim nabavkama Bosne i Hercegovine („Službeni glasnik BiH” broj 39/14), Rješenja Ureda za razmatranje žalbi broj: JN2-03-07-1-3166-8/20 od 03.12.2020. godine, člana 95. Statuta Javnog preduzeća Elektroprivreda BiH d.d.- Sarajevo (broj: SD-5211/16-38/2. od 29.03.2016. godine) i člana 4. stav 7. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva (Prečišćeni tekst broj 06-14208/20 od 29.05.2020. godine), Izvršni direktor za proizvodnju donosi:

## ODLUKU

### o poništenju postupka javne nabavke

#### Član 1.

Poništava se postupak javne nabavke u predmetu – **Specijalističke usluge opravke, servisiranja i isporuke rezervnih dijelova klipnih i vijčanih kompresora, duvaljki i sušača zraka** za potrebe JP Elektroprivreda BiH d.d.- Sarajevo, Podružnice Termoelektrana „Tuzla”, Tuzla, po Otvorenom postupku broj 2000034554 (broj sa Portala javnih nabavki: 1405-1-2-40-3-126/22 od 12.05.2022. godine, iz razloga što nijedna od primljenih ponuda nije prihvatljiva.

#### Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka navedenim u obrazloženju ove Odluke.

## Obrazloženje

U postupku javne nabavke u predmetu: „**Specijalističke usluge opravke, servisiranja i isporuke rezervnih dijelova klipnih i vijčanih kompresora, duvaljki i sušača zraka**“, po Otvorenom postupku broj 2000034554, objavljenom na Portalu javnih nabavki dana 12.05.2022. godine (broj sa Portala javnih nabavki: 1405-1-2-40-3-126/22, za potrebe JP Elektroprivreda BiH d.d.- Sarajevo, Podružnice Termoelektrana „Tuzla“ Tuzla, ponudu je blagovremeno dostavio sljedeći ponuđač:

1. „ZULEX“ d.o.o. Sarajevo..... sa cijenom ponude 323.507,34 KM bez PDV-a

Zapisnik sa otvaranja ponuda po Otvorenom postupku broj 2000034554 od 01.06.2022. godine dostavljen je učesniku predmetnog postupka u skladu sa odredbama Zakona o javnim nabavkama BiH („Službeni glasnik BiH“, broj 39/14) i podzakonskim aktima.

Komisija za javne nabavke imenovana Odlukom direktora broj 02-4-63-2869-1/2022 od 22.03.2022. godine, izvršila je otvaranje, pregled i evaluaciju pristigle ponude i utvrdila sljedeće:

Pregledom ponude ponuđača „ZULEX“ d.o.o. Sarajevo, utvrđeno je sljedeće:

- u Aneksu 1 (Obrazac za cijenu ponude), na stranama 19, 20, 21, 24, 28 i 34 vršene su ispravke korekturnim lakom, a iste nisu potvrđene potpisom ponuđača i sa datumom izvršene ispravke što nije u skladu sa tačkom 5.5 Tenderske dokumentacije.
- garancija za ozbiljnost ponude nije dostavljena na način zahtjevan tačkom 5.20 tenderske dokumentacije, odnosno ista je oštećena (bušenjem), a probušena ili oštećena garancija se ne može naplatiti.

Iz naprijed navedenih razloga, odbacuje se ponuda ponuđača „ZULEX“ d.o.o. Sarajevo, prema odredbi člana 68. stav 4. tačka i) Zakona o javnim nabavkama BiH („Službeni glasnik BiH“, broj 39/14), jer njegova ponuda nije potpuna i ne ispunjava zahtjeve tenderskog dokumenta.

Cijeneći navedeno, odlučeno je kao u članu 1. dispozitiva ove Odluke.

**Pravna pouka:**

Protiv ove Odluke može se podnijeti žalba ugovornom organu Javnom preduzeću Elektroprivreda BiH d.d.- Sarajevo, Podružnica Termoelektrana „Tuzla“ Tuzla u roku od 10 (deset) dana od dana prijema ove Odluke.

Izvršni direktor za proizvodnju  
  
mr. sci. Samir Selimović



CO:

1 x Ponuđačima

1 x 63

1 x a/a